

Anonimni fond sa Malte kupio Vladin udio u „Bosnalijeku“

KBC „Euro Credit Capital“ LLC, anonimni finansijski fond sa Malte je novi vlasnik 19,25 posto udjela u „Bosnalijeku“, tvornici lijekova iz Sarajeva.

Rusi nepropisno parkirani u Bosnalijeku

Fond koji je osnovan prošle godine dao je na vanrednoj aukciji u četvrtak na Sarajevskoj berzi najbolju ponudu za paket dionica koje su vlasništvo Vlade Federacije Bosne i Hercegovine. KBC „Euro Credit Capital“ LLC je kupio 1.507.724 Vladinih dionica za nešto manje od 23,4 miliona KM.

Na čelu Uprave KBC „Euro Credit Capital“ LLC nalazi se Lal M. Kalani, navodno jedan od investitora na tržištu Bliskog Istoka i Indije. On je osnivač grupacije kompanija KBC sa sjedištem u Dubaiju, navedeno je u njegovoj biografiji na službenoj stranici KBC „Euro Credit Capitala“.

Kontrolu u sarajevskoj tvornici lijekova od sredine 2013. godine drži „Haden“, offshore fond iz Luksemburga koji je za 32 miliona KM kupio 29,94 posto udjela u „Bosnalijeku“.

„Haden“ zastupa interese ruskih trgovaca lijekovima, okupljenih oko farmaceutske kompanije „Imperia Pharma“ iz Sankt Peterburga, o čemu je pisao Centar za istraživačko novinarstvo proteklih mjeseci. Međutim, stvarnog vlasnika „Hadena“ je nemoguće utvrditi jer njegove dionice ne glase na konkretnu osobu ili kompaniju, već na donosioca.

Koliko tableta košta Bosnalijek